

四庫全書

集部

欽定四庫全書

集部

澗泉集卷二

詳校官庶吉士臣吳烜

主事臣呂雲棟覆勘

謄錄監生臣馮克鞏

謄錄監生臣徐元秀

欽定四庫全書

集部四

澗泉集二十卷

別集類三 宋

提要

臣

等謹案澗泉集二十卷宋韓澆撰澆有澗泉日記已著錄此其詩集也澆詩稍不逮其父而澗源家學故非徒作同時趙蕃號章泉有詩名與澆並稱曰二泉李龔端平詩雋序所謂章澗二泉先生方回詩所謂上饒有二泉

者即指蕃與澆也然其集世罕傳本文獻通考宋史藝文志皆不著錄方回瀛奎律髓絕推重之有世言韓澗泉名下固無虛士之語尤稱其人家寒食常晴日野老春游近午天諸句而所錄澆作亦屬寥寥又載復古輓澆詩有三篇遺稿在當並史書傳句復古自注稱澆臨終作三詩近厲鶚輯宋詩紀事采摭極博乃僅載所以商山人所以桃源人二首

而所以鹿門人一首佚焉則澆之詩文湮沒  
已久今從永樂大典所載凡得詩二千四百  
餘首詞七十九首編為二十卷又得制詞一  
首銘二首亦併附焉而所以鹿門人一篇終  
不可見知所軼者尚多然較諸書所載僅得  
殘章斷句者已可謂富有矣觀澆所撰澗泉  
日記于文章頗深又制行清高恬于榮利一  
意以吟咏為事平生精力具在于斯故雖殘

缺之餘所存仍如是之夥也乾隆四十六年  
九月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

澗泉集卷一

宋 韓流 撰

五言古詩

春晝

青春白晝永一日如兩日  
平心得淑景佳思入詩律  
湖山氣姿媚海汐聲蕩潏  
迴旋且迴旋楊花滿書室

春陰

春雨發山溜花事回綠陰  
東家舉杯酒為我成芳斟  
蝶

遠鶯流音輕雲晚沉沉揮手惜素心入林驚未深

苦陰

梅熟麥秀時濃陰多轉晴礎潤雷掣電溝壑須臾平清  
風四起處鬱蒸或不輕今茲冷氣深經旬壓簷聲

正月二十七日

晨興啟蓬門綠樹有啼鶯山風遠遠來墟煙低低橫水  
寫蔽芾影岸東湍瀨聲春事曾幾何孤花尚含情

春晚



餘靄淨麥歧流暉轉蘭皋燕壘落梁塵漁舸激碕濤芳  
斟競飛竿綺思歸搖毫良燕氣清和物色如春韶

春分前一日

沉沉聽雨坐瓶花養香梅鼻觀得此供息定本氣回春  
陽已大壯陰雲尚難開小窓千葉黃眼塵一清哉

青青葉中蘭庭幽有餘芳新葩明輕莖知我春晝長安  
得滋九畹命騷與爭光風泛不須紉深林宜永藏

細雨桃樹枝依流欲舒紅水深相發揮倍覺多春工從

渠武陵源不與人跡通馮生天地間我汝俱樊籠  
柳已綠可愛溪風更搖之人居春氣中安知物熙熙常  
年二三月醉眼不自持摩挲此骨騰老去今其時  
草色老春薺氣數戚已分流先生鬢絲日暮江東雲故  
交本不多零落那忍聞墻陰雨淒淒夕陽何時熏

避暑

亭午暑未涼竹陰訪泉石泉源徹底清石色半痕碧幽  
處鳥聲流閑中人意適風微一幅巾林深轉虛寂

秋意

秋意不堪老宦情  
惟自悲蕭蕭風雨中  
吟哦漫尋詩古  
來騷雅士常恐歸計遲  
此事不難辦無語王謝兒

二十九日寒食

按詩四首其一首見七律二首見七絕

花間雨未乾  
強飲食猶寒  
山澗得名流  
豈曰俗相看  
晉文綿上田  
往事今鼻酸  
江南好風景  
且取文酒懽

清明

既喜寒食晴  
復值清明雨  
山空洗雨花  
零落蔽泥土  
脩

林發新葉青綠繁莫數雖云風日異景物俱可觀犁鉏  
動遠村愈覺愛農圃形跡欣得閑持醪醉為主

上饒楔飲

流芳報花信暢叙記東晉何知胸崔嵬未覺景急峻泛  
觴河陽春庶且雅俗鎮

九日錢塘江

九日風淒緊扁舟發龕山龕山正自佳況復江水間吳  
歌動兩漿汴洄過滄灣雖無菊可把矯首雲斑斑

九日次前韻答賦德久

客裏素秋節誰復同襟期黃花雖滿眼何意采摘之古  
今曠達人把此顏為怡謂可制顏齡屬興深于茲淵明  
南山下放浪東籬枝白衣縱莫至自惜草木姿斯辰天  
陰陰雲深翳晴曦更想杜陵老抱病登臺時我欲事嘯  
歌舒憂以娛悲悠悠時序心搖毫漫致詞

九日次陶韻

草木易黃落條然時序交豈無素心人松栢不改凋今

日我重九惘然風度高起尋得良覲南鴈將橫霄誇毗  
信誰子短世亦已勞旱暵乃天運憺焚禾穀焦一歌百  
世蘇重歌千載陶唱予而和汝其雨復崇朝

九日

悠悠兩高峯眇眇見落木病餘老身倦登樓謾伸蹈茲  
晨有何味酒面欲汎菊常年得重九高興必徵逐誰知  
嬾出門搔髮鬢已禿予雲雖識字君平唯賣卜坐久風  
頗怒新霜夜來肅

野色荒荒白嵐光隱隱青家鄉未千里客路復長亭絕  
景詩難狀多愁酒易醒西風攪黃葉興寄託鴻冥

除夕前兩日示秉

雪風吹溪雲晝刻催歲律歡傳頌椒花餞歲欲何出舉  
頭荒山廬永澗溜淒瑟兩鬢已顛童種種不滿櫛題興  
得斯文愛士欲黼黻團呼一樽酒清言了人物四座各  
盡情燭跋屢剪拂如愚於席間蹉跎倍勃率授簡而供  
令古興亦豈不

二十五日

焚香得深居清風養幽抱杜鵑來何遲鴻鴈去常早微  
瀾響溝流積潤滑磴道綿綿百草長春風雨中老

三月八日

晝閑春婉婉草樹轉花事人誰用吾情我自順吾意江  
山不徒吟城郭亦可醉陰陰起晴風相賞豈云易方齋  
既虛清山堂亦深翠來燕翩翩歸啼鵲眇眇至時物付  
芳華所惜者風誼



春濃自徘徊我歌亦其事崢嶸眼中人磊砢言外意何  
哉非達也拂石醒小醉棋枰隨圓方目擊勝敗易冷齋  
芹泮地坐久濕空翠了無官曹塵所以野老至汎乎不  
繫舟未數長沙誼

所貴知者希初不與人事飄風擊墜瓦彼豈有本意百  
爾我所思豈必待熟醉烈士徒殉名歸潔似圖易鱣鯨  
困螻螳蘭苔巢翡翠廣心之昭融異語之極至何若於  
燕閒相與談仁誼

卷一  
初九日

山空草木長明日欲立夏俄頃一蟬鳴節物便相亞平  
心閱四時益覺運而化殘杯了清晝新香度深夜風雨  
陰陽間悠悠嬾悲咤

十月初十日

南窓午逾暖日氣烘人衣徒有蒼蠅聲甚無鴻雁飛老  
身漫自伸老眼其疇依摩挲根塵間瓦溝霜已晞

晦日即事示同遊

閒居誰與娛寂歷滿黃葉冬晴日氣午乘暖得步履兒  
僕為鉏園俛仰纔自愜親朋忽過我少坐情意浹烹茶  
味既爽穿林景逾接縱遊星居寺僧房頗稠疊隨流覺  
路熟更見沙背涉道院出香鼎春山弄書篋留連一兩  
杯設飯羹用簋亭虛列峯巒溪淨映城堞躋攀重閣晚  
覽句費目睫歸歟語河梁分手興未帖吾衰子俱壯歲  
莫何術業從來評道德亦必在耕獵好惡空紛拏利害  
漫懾怯郡國有惠養朝家有調變孫臏為斷足范雎至

折脅尚能變軒昂未信祇萎荅莊知冥靈春佛說惡濁  
劫無視霧氣蒸飛鳶墮跼跼

十二月二十八日

寂寂園中林脉脉林下泉蕭閑歲云暮老身欲何言不  
畏日月駛但笑霜雪繁人生本非惡往往迷宿愆昏明  
夜復旦寒雲滿空山瓶儲粟粒罄交舊無往還塵埃豈  
不知冠綏易牽纏五鼎食與烹寸景能幾年心境互生  
滅雅俗相移遷危坐明檠燈爐香更清然

日長

日長林影聚早暮氣彌清既自罕人跡而猶聞市聲物  
生各有態境異俱忘情門前酒誰來吾其撞餘醒

落日

落日青松間疎明山翠寒誰於元氣中弄此赤玉丸我  
心本清陽陰濁不可干虞淵下可取快飲盃勿乾

喜晴

積日困秋雨曉起天開明披軒納晴光樹影當堦橫遙

聞玄蟬急急見翠羽輕整衣聚足坐似覺天籟清身形  
百年爾衣食苦強營運化有理道超然得此生

晚晴

兩年元日陰今年元日晴微霜起清寒人物多歡聲行  
都占江海魚鹽易經營何時復三京萬世開太平

掩闌月色滿牕宴坐久之

雲牕月當午小醉人未眠兒童鼻鼾雷聽息方綿綿萬  
籟一以虛性地開其天入林山自深金澗通瑤泉

對月

璇霄蕩涼颼靜夜却團扇幽人醉未醒  
月色牕戶轉起舞步高寒借我蟾宮便

十六夜看月

夜久羣動息巡簷尚何觀庭空葉忽墜  
瑋若推琅玕芒寒星彩動霜氣尤瀾漫  
誰知太虛中運此寶月團須臾一雁叫  
飛下溪流灘

月過林端清甚

月出雙樹間  
營魄何流光  
初弦還當午  
淨極涵蒼溪  
虛響城角露  
重天欲霜送  
客出籬門  
共立古道長

玉溪樓看月

山晴夜自明  
草樹遙可矚  
樓頭春已非  
尚有月如玉  
胡為乎來哉  
可謂萬事足  
溝流雜蛙黽  
信閱人代速

夏夜翫月

夜氣生微涼  
山空步明月  
飛光入人家  
流影到林樾  
零白露滴冉  
冉清思發  
乘雲度罡風  
天上有宮闕



方齋啓牕見月

我豈不解飲風軒乘月開細細春酌動徐徐秋興來俄  
而弄清影自爾却氛埃誰信城市居野老為裴回

中夜危坐雨聲清甚

倦卧一塌上展轉不能寐更聽蟋蟀吟時時風雨至披  
衣起趺坐數息存妙寄其生何用觀夜氣吾已志

八月初七日終夜大雷震雨如傾注風敗吾藩  
籬拔吾庭樹

晴明天氣佳草木浮光輝珍禽各翔語羣花競芳菲人  
情春和時怡遊類忘歸常陽一以亢旱甚翻歔歔赤地  
至千里焉有不年饑家家望雲霓想像陰雨霏狂飈震  
雷吼連夕恐非機溪漲橋已解拍岸欲平磯所幸蛙黷  
爾跳噪皆輕肥居民其奈何泥淖生理微意欲問彼蒼  
何日生清暉由來此陰陽歲事中和希今年積秋熟焦  
熬在郊圻既雨復苦風拔樹敗牆圉后土無乾處眇予  
將疇依

雨後驟冷淒然

天高氣蕭瑟薄薄寒中人登山兮臨水貧士志不平惆  
悵徒自憐羈旅誰友生申旦耿不寐淹留可無成

梅雨

山溪遶寒城林園眇荒隅南枝小春梅意似醉眼舒  
雲陰冒霏霏欲步雨如塗人間壓芳槽洗酌留我娛  
易齋誦銘語耆英幾年無吾儕老孫子交契歲月徂  
速飲付丘壑微吟對江湖何當暗香底花影相持

扶

微雨

雲間度微雨，霑灑草木淨。披衣未盥櫛，失却體中病。屋角鳴鳴陰，是亦彼情性。今我睡既醒，豈不有孤詠。

夜雨

卧聽空山雨，愁人春夜長。田蛙與水鳴，聒聒來耳旁。緬懷千載遙，賢達多遯藏。豈無命世才，所抱或沮傷。離家脫塵役，且憇雲水鄉。時運不我留，老去空彷徨。但恐壯

志銷放浪宜自彊

午牕驟雨

日暖石礎潤雷雨響空山草木盡披霏雲氣滿牕間我方岸幘坐與客談笑間會當乘少霽午陰聽潺湲

急雨

淫淫夏暑雨小民惟曰怨連朝浸田塍一夜倒河堰尋常已食麥積久況少飯錢幣易低昂亦合利商販

阻雨

獨坐空堂上憂來與誰語出門欲遠遊泥雨復艱阻不見一人來那逢會心侶前除一幽禽四壁響飢鼠無以滌睡昏春茶尚可煮

自清明後十日雨

得雨宜秧田久雨損麥隴日暖可成實天寒妨出種米麪世所資敢為一身奉望眼冀晴色深為農夫恐長林風颼颼狹港水洶洶閑謠不能歡名與食孰重

雨中作

閔雨澗將涸為霖流復湍聲來白浩浩氣起清漫漫隨  
山問本源踏地觀狂瀾隔水城市塵了然不相干

初三日雨

一林梅花雨香濕煙冥濛水流澗底清聲落前溪中鳥  
飛既整暇人意亦冲融今歲春來早新萱已滿叢

雨中

山林得涼雨倍覺十分秋衡門籬落間木槿上牽牛霏  
微弄空明炊煙澹飛浮有酒不肯飲南冠真楚囚

夏雨

已忻五月涼連得六月雨泉石養芝朮  
刈澮長禾黍病雖未能飲起亦尚可句  
凌晨百鳥啼靜夜百蟲語寺外鐘磬音  
樵歌自來去

陰雨

變風忽交作雨脚牕紙鳴隘巷掩關坐  
爐深沸瓶笙豈不念故山斗升聊自營  
米貴薪炭少天亦放我晴

夜霜牕戶肅然嚴冷



行都鎮東南衣冠萃軒蓋文書漫穰穰人物當藹藹癡  
或不知止隘即莫可奈江山何清空天地本正大四更  
霜氣重肅若起深籟乃信埃壘中此景終不害

雨後

夜煖雨驟至溝流起微湍一秋多苦晴魚鰕生意艱朝  
來清蛙鳴便覺斗水寬豈不念其涸跳梁聊自歡

涼雨

涼雨濯袪暑中林動清觴一日亦易與千古不可忘人

物信消長治運空微昌我有挿架書醉甚無慨慷

社雨

空山水流澗社雨掩籬門雲陰起微寒藥爐自常溫老  
懶一欠伸開卷牕明昏屋邊桃李蹊飛飛亦無言

開簾卷書坐燕聲煙雨中時物依辰至春社古所同豈  
不知其然歲月何匆匆擁襟一閑謠林花落簷風

梅雪

殘冬且論詩豈待梅與雪雪固以水清梅自惟花潔玄

機未易窺聖解不難說棄置便掃除俗者慮上拙

松雪

松雪照殘臘溝流起輕冰倦身固蹢躅睡眼猶瞢騰塵埃與野馬何急來相仍東隣可以飲一舉宜數升

雪

我枕麴藉糟女為彼玉雪驚心京索舊流徙此越絕霏霏醉飛花堂上燭勿滅

積雪

積雪有何好照我牕牖明牕明不能寐披衣數寒更帶  
雨豈滅蹤無風如有聲荒荒山野人渺渺江海情

坐想孤山雪竹壓籬礙過之勝

詩亦常語爾細思有何情蒼蒼青眼收種種白髮生不  
如緘口住時復信脚行折竹松邊路孤山籬雪清

回路雪作野酌

適俗心不夷索隱山不深駕言出春浦回車已留陰雪  
飛催我句村酌且重斟此致天所資優哉有遺音

雪中

雪映山牕白竹爐殘葉灰寒垂紙帳低起坐百念催推  
枕理吾夢栩栩鼻如雷覺來神氣中平旦陽明開  
淨業與穢業交戰則我微未能滌玄覽前識相依違玄  
冬霜後雪礪谷慵啓扉天耶其人耶咸言上上機

今年已有雪今年亦有梅梅花與雪片日夕相徘徊失  
喜固莫爾亡憂尚何哉不與萬法侶孔跖俱塵埃

涇渭本一水濁清我何尤白雪固為潔老興開兩眸須

吏冥心坐薪火時添抽吐哉皆前塵禿髮不滿頭

鳥聲已鳴春礪廬雪色深紛綸五經笥古人云鉢心心  
本理和順萬緣常逼侵莫作斷滅相明明去來今

趙十有詩及高泉之行因思往年同遊青巖

秋花滿青巖禪榻如昨日舉眼曾幾何歲月流電疾君  
其壯藻思我已老蓬華誰云彼高泉春晚又能出寺底  
讀葉碑祠前看周筆夷猶慨以慷緬邈咤而叱思君弟  
行役應惜良會失朋從淫液之於我豈固必旁觀徵逐

間往往誚遊逸相望一樽酒朱絃理青瑟墜緒或可尋  
陳迹安可詰瀕洞塵眯人榮名真蟣蝨

八月二十五日過南礧

涼雨忽不止秋陰無奈何山根瀉新漲小立玩流波會  
逢其適爾紫芝有奇歌惜此未深密時見人跡過

巖桂苦未花尋香上扁舟溯洄得蹊間微步理舊遊鮮  
鮮見新枝幽芳浩難收回首城市塵所憇因少留

撫枕知夜永淅淅過山雨淨聽秋氣還清吟可無侶年

來幽興熱心口自相語我其內熱歟何其未能處

題南隴

南隴山下路一眼煙雨昏松篁葉滿地楊柳條映門此  
興非所難吾道何由尊鏗爾舍瑟希帶濕藏春痕

遊南高峯下

濛鴻山氣潤噴薄澗水急殘花護新枝春晚綠陰集杖  
策一俛仰挈榼共行立路轉南高峯窄堵正業爰勝跡  
古今同軒裳孰羈繫



譚守約陳漕林宰同遊南巖得問字

高情動巖壑幽討忘遠近  
追隨得秋日挈榼多美醞  
悠悠遠朝市寂寂委時運  
雨集星散間他年或相問

霞山

避喧甘猛虎杜語誠有味  
況此古城遊儘迴儘無畏  
捫蘿魚貫登磴确入荒蔚  
俄而得峻極天闕逼象緯  
春風猶未旬芳事已髣髴  
憑虛了不寒清淑滿腸胃  
眼高物破碎意廣身良貴  
隘彼微塵歆邑郭亦何謂  
同來三二

友斯道久涇渭偶然一尊携物笑我頻喟焉知酒行多  
但覺飲之既煙巒屏障環秀潤仍蔽芾更對西日紅輪  
困纏海氣

中平峯下巖可坐百客絕頂尤奇

臨水既凝竚望崖試徘徊榜舟一以渡露晞嵐影開矯  
首與人居直上無飛埃峭壁過鳥道老樹相縈迴下訪  
隱者廬敗堵留巖隈亂草蔽嵌空停泉照崔嵬因知勝  
絕地使我心悠哉誓當如龐老舉家為此來

齋居湖寺晚對南屏疎鐘茂林霧氣蓊然

南山起寒霧雨氣蓊林木但覺白漫漫不見山下屋須  
臾逼昏黑疎鐘度幽谷寺冷西湖秋齋房媚幽獨

步澗壑上山隱

秋山響松竹漠漠起雲陰褰裳過石瀨望崖荒草深誰  
家牕戶開少寄閒澹心茗醑無不可所畏塵霧侵

道場山山上有伏虎師宴坐嵒寺中方池清深

可愛

翠麓轉危徑清漣媚方池鐘魚鳴寶坊宰堵高不危憑  
軒眼力盡晴色烟淒迷秋原禾黍登佳處端在茲齋餘  
作茗事晝寂香篆遲當年伏虎師此地嘗嵒棲高風動  
寥邈勝跡窮險巖回撓日已暮悵望空自知

茶山

人日遊茶山點檢山下泉載惟兩賢祠緬邈桑苧仙豈  
無高潔懷何有香火緣雨晴動春事草樹含芳妍獨來  
宴坐久湛然還惘然扶輿度歸路尋友了閒篇

又

南風滿脩竹兩賢凜如生殘僧具湯餅茗椀寒泉清歸  
來涉城市貨殖何縱橫溪明漾長橋履此復暢情喧寂  
等一境人世不足驚北牕卧微涼神思纔清平

同尹一遊茶山齊賢繼來

蒸雨隘閭巷茶山午風清同吟方齋人禪老相送迎隔  
城帶湖光更約暢叙情輕雲轉雷晚靜定天宇明

東南一峯松雪明朗舍前甚可眺

夜嚴風色冽開門恍奇絕誰將連日雨幻此瓊玉屑林

深竹初折澗淺水復結望久忽烟銷山明見松雪

弋陽縣山

色奇秀有一峯屹立于衆峯之間意頗異之邑人云山有三十六峯此一峯石間有如龜山明之陳丞相家祖

塋在焉

四月十一日靈巖

陟逕得遐矚濯泉愜幽尋禪牕坐來久聊以娛客心平  
田綠未整湖色收晚陰回撓繾綣餘翔禽亦遺音

午日趙鈐轄同坐溪旁望靈山雲氣次韻

塵俗自塵俗幽竒自幽竒競渡殊汚人正爾無所之城  
隅白雲堆涌出靈山詩不可磨滅者天欲鑄偉辭是大  
有佳趣豈問庾元規舉扇勿障風吾與子同歸

雪觀

絕壑過蘭若炷熏擁寒爐稍收神觀明時翻經與書忘  
言忽自笑得興將誰拘雪雲起冰霜是事俱澹如

雪觀

暮鼓朝鐘外鼻端消息真靈山高溪南而有彼上人祝

髮豈滅性趺坐宜忘身吐哉露地牛染淨俱一塵當年  
少林立話頭猶許新北風吹雨花繽紛皓如銀我來試  
標榜此境何了因無相亦無證顰伸氣方勻

秋日郊行題崇福寺大井

秋暑未退舍獨遊亭午時簾輿汗翻漿陡覺回涼颼青  
春十載前此地嘗娛嬉只今髮種種蹉跎尚何之懸崖  
多紫花遶夜垂青枝殘蟬猶爾噪新鴈乃許遲久矣原  
憲貧異哉宋玉悲酌泉揖老僧清坐生佳思



靈井

九峯庵前涉澗入崦間泉發嵌空日夜流  
不竭鄉老傳嘗有龍見光怪吾翁名之靈  
井

靈井復何許薰風度前林一邛為蕭散涉流殊匪深山  
空人跡少無言見鳴禽嵌嵒適所會潺然送清音宜我  
濯塵土陶寫此胸襟富貴本天命得閑且幽尋

天竺靈隱觀鴻漸寺記白香山泉碑

靈隱天竺山清流漱竒石草木鬱青葱巖洞耀丹碧有  
時閑聯騎盡日為散策蕭條懷古心髣髴問遺跡勝士

多去來流年幾今昔寺記喜逢陸泉碑尚餘白因知幽  
絕處得之乃無數所以千載後山名轉輝赫二子有逸  
韻煙霞本其癖想當落筆時無地著清適嗟我復何人  
長歌想英魄

參寥泉

湖光佛寺古山色泉水清蘇仙則已遠名字空含情西  
風動林松琴瑟有餘聲我來揖而酌一飲百慮輕朗吟  
兩石碣脊記眼為明當年彼比丘亦足得此生

六一泉

不見六一翁但見六一泉得泉以思翁昔僧何其賢旨  
哉山中樂合與蒼崖鐫後來坡仙銘空以文字傳山林  
已禁苑復與道院連蘭若縱莫存此水尤泠然歲月誠  
易與陵谷終變遷薰風拂湖水晚日明湖煙回頭叫林  
逋醉倒孤山前



欽定四庫全書

澗泉集卷二

宋韓澮撰

五言古詩

松竹堂次蕭宰相韻

鳴琴意自永  
小築松竹林  
公餘一委蛇  
巡簷見遙岑  
冰雪凜節操  
晝寂綠陰陰  
何事智與名  
蕭散徵在今  
當年山水間  
讀書情致深  
儀鳳覽德輝  
終古存知音

棲閑堂

能棲不能閑其心未可知能閑不能棲其迹無已時棲  
閑一以名二者兼得之昔春升其堂尊酒飲于斯昆山  
日夕佳陂池清渺瀰手植花柳間田園粗充饑潔哉兩  
龔家異代猶許奇夫豈忘治功而故與世違漢朝有蒲  
輪用舍端不欺三江五湖口君子謹其儀何以寫我歌  
遙遙記所思

寄題壽樂亭

蘭江生穀波金華鬱嵯峨是中鶴髮親贏得歲月多

時時着菜衣兒嬉為婆娑撫掌問妻子我意今如何祥  
風動簷花美日行庭柯更覺山水外一曲欵乃歌

過新安月夜步浮丘亭分韻賦詩得弄字

平生風月懷醉語或驚衆休傾袁紹杯且卧畢卓甕使  
君良不几客子恍如夢對影將奈何曉角梅花弄

同譚守登跨鶴臺

昔守王道甫作此跨鶴臺金行露氣高嘗同斲蒿萊九  
日長沙歸晦翁命予杯至今清夢長寂寂令心哀君侯

我輩人能賦有餘才復茲蒔花秋登臨為徘徊子美高  
李句萬里風雲來世道古猶今興也何悠哉

浙江亭

海風吹潮聲過我欄檻外不知地勢險但覺天宇大何  
時一壺酒挂席上巖瀨班班雲壽陰越山遠如帶

訪南岩一滴泉

僧逃寺已摧唯餘舊堂殿顛倒但土木彷彿昔所見山  
寒少陽燄崖冷盡冰綠曾無五六年驟覺荒涼變遺基



尚可登一滴泉自濺憶昨淳熙秋諸老所開燕晦庵持  
節歸行李自畿甸來訪吾翁廬翁出成飲餞因約徐衡  
仲西風過遊衍辛師條然至載酒具殽饌四人語笑處  
識者知歎羨摩挲題字在苔蘚忽侵徧壬寅到庚申風  
景過如箭驚心半存沒歷覽步徐轉回思勸耕地嘗看  
郡侯宴今亦不能來草木漫蔥蒨人間之廢壞物力費  
營繕不如姑付之猿鳥自啼轉

尋梅至梅嶺因遊紅羊石青楓峽

衝寒步晴光霜重積如雪尋梅渡長溪磴确路曲折回  
風送灘聲靜聽鳴復咽當知我輩遊名與山不滅

題姜克章白石洞

詩眼玩塵世漫作威鳳鳴經行苔溪水乃見白石清拂衣  
鑑須眉喚起仙骨驚胡為隨人間歎息百慮繁洞中應  
笑我何不高舉輕明時樂未正尚欲追英莖它年淳氣  
合肯有爵服情癡人莫說夢烈士徒殉名轉庵偶饒舌  
已足壓旦評古來曠達者談笑得此生臨流賦招隱一

奏朱絃聲

寄雪觀

秋暑睡不美但想雪觀居焚香貝葉動洗鉢伊蒲餘應  
身了諸幻起性包太虛蓬蒿一水隔吾豈愛吾廬

寄題熊氏得要亭

未踏得要亭先寫得要詩識賞無遠近渺然西江涯薰  
風入山水佳趣固不宜想見昏旦候雲鳥日參差主人  
應飄灑何時同酒卮三歎玉局仙為我先及茲

夜過潘樓

雨多晴氣新  
星彩動涼夜  
因人閑出門  
尋詩稅吾駕  
一杯小樓風  
圖畫寄清暇

聚遠臺

遙遙聚遠臺  
是豈俗所要  
只宜我行適  
信得山水妙  
地高出林表  
眇邈有殊調  
主人運心匠  
擇勝出素料  
陂陀闌微逕  
俯視溪可照  
匪云賦新詩  
聊爾索言笑  
三月青春深  
風林杜鵑叫

亭臯

亭臯新雨沐物物秋氣深着藍木芙蓉桂樹尤蕭森豈  
伊酒可嘗而我詩未吟竭來六七輩領會宜素衿塵眯  
共一掃風乎出雲岑

會心堂

胸中有天遊寓外皆所嬉勝士固可逢俗物亦可偕杯  
酒得流行放意而伸眉茲辰我陽春溪水多清姿岸柳  
已青青山花更暉暉當筵主與賓談妙尤克諧雷聲忽

送雨雲風動情思由來理性真肯計志願違松柏獨也  
正造物付之誰歡笑酬座人長言其勿噫

題三茅堂讀放翁碑易道士設茗

寶山最佳處突兀三茅堂幽襟翫岩穴散脚登崇岡  
梅亭雖未花自覺草樹香午陰布修幹禽鳥時來翔  
下視江海波風煙渺茫茫貞石披妙詞摩挲有餘光  
吾身已塵土乃得閒相羊羽人復能吟煎茗邀山房  
意勝神頓適俗遠慮兼忘乃知軒裳繫自苦升斗藏

飢餓非難忍歲月空帝鄉揮手下山去餘情滿秋陽

溪山堂曾宏甫作徐師川呂居仁曾吉甫王元  
渤鄭顧道晁恭道王起巖吳傳朋徐明叔遊  
詠之地

當年二三老曾醉溪山堂至今月露底草木有餘香興  
言我良友六月此追涼還同章泉叟訪之以相羊夜久  
清輝寒水際如雪光誰知幽絕處懷賢正難忘

拂松閣

太白孰可作五松自青山關關鳥飛集冉冉雲往還時  
世有今古客意徒悲歡我來見令君絃歌遊其間醉袖  
舞回時俗眼應不看人韻乃如許結閣橫朱欄

伯輝竹林書院

竹林彼一時仲容乃此遊寥寥千載後忍曰為良謀古  
人心匪遐用舍多風流身容縱未老歲月去不留結茅  
我山椒詩書尚何求固將淑諸人猶能誦軻邱竭來南



風薰見子忘百憂  
阮蓋青雲器  
濤戎信其儔  
取酒且勿飲  
聽作商聲謳

逍遙閣

翁家爛柯橋  
遊戲錢塘歟  
昔賢有樂地  
天與此屋廬  
依依巷陌間  
將鶴倒騎驢  
流傳得佳聲  
是時當國初  
四方次第平  
降王亦誅鉏  
朝野多豪英  
仲先頗知渠  
相邀一夜話  
華山圖匪虛  
此州真可人  
林逋復來居  
一湖浸孤山  
相望誠有餘  
人生百年爾  
貴賤空乘除  
尚友千載上

是心良晏如有手可持酒有眼可誦書結閣老樹高扁  
榜聊自舒方今開禧年吳越都乘輿我遯楚溪口因名  
倍躊躇既同逍遙吟又且思莊樗

王右司家池閣

寒日照竹色老槐搖池光凭欄俯虛簷忽此陶一觴主  
人與客笑萬事俱茫茫回首十年夢吹霜晚雲黃

守軒

孟以身為大曾惟貴夫約況欲行之家蓋亦念前作誠

齋彼何人老筆乃揮霍勿忘勿助長世世可如昨

寄軒

按詩意用陶潛歸去來辭倚南窓以寄傲句疑作寄傲軒

陶潛彭澤歸豈敢傲一世聊從戶牖間作計等蟬蛻君乎得此心名字置所憇俛仰旦復昏淺揭深則厲

恕齋

公心不兩照私意必四出泣官行法間要以身為律物物或藩籬事事祇刀筆由來貴仁賢存之在勿失美哉一言富乃榜此書室因利得行義徇名豈忘實君兮詩

中仙我語非秘密三歎蓮幕地退食有學術

昌甫竹隱

竹隱高深處江南懷玉村此老已華顙清門非市閭  
緩步泉周遭放眼雲吐吞野馬閱衆甫冥鴻本孤鶩經年  
未能往夢思疲我魂是中夫如何不以俗諦論時來五  
七字慘慘感慨存想其樹扶疎遠屋夏簾翻

田間

烏麥相看種黃秬已皆熟坳塘無賸水古徑墮枯木貧

多收刈遲勤有翻耕速整履步大田扶藜問幽谷

餘干黃師求北窓詩

陶令一北窗今古自無對折腰豈為米歸來本非退平生義皇心肯與時嚮背當年五柳傳誰云閉關輩子能知其然此意要常在淵明不吾欺是中誠可愛

李禮侍石林

磊砢著眉次婆娑寄嶙峋客來亦置酒相與悅老身晴風吹岷峨浩蕩無邊春巴江下吳波軟紅生帽塵回頭

金少卿八人卷二  
山房染石也誠可人不知幾千人造化此一真只恐斷  
取去補天費精神

官閑

官閑讀書餘倚杖看綠陰黃鳥時飛來臨風流好音我  
亦為之喜夷猶情味深世間事乃爾回首生夕暉

休日靜居

寒餓迫我出忽忽兒女大原思樂商頌宋玉悲楚些吹  
面薰風來刮眼春風過飛鳴鵲遶樹微逐蟻旋磨淪茗

銷夢事凝香理經課休澣得暫閑棲深淨跣座

叢薄

叢薄欲微雨絕壑留餘寒隴麥已黃熟園梅尚青攢宛  
宛路轉坡激激流起湍卧瓶擲酒碗開奩理香槃

十月旦日過雲林

雲林起清霜山寒紅日吹城郭催租日田家穫稻時仲  
尼雖少賤李廣漫多奇好事能相覓茅簷曝晴曦

雲庵

雲子所怡悅遂以庵我名時時簷下來日日山畔生和  
煙不知處致雨非有情龍鶴亦物耳依乘定飛鳴

次韻伯臯真隱道院

幽討過真隱同抱白雲眠夜呼醉道士取琴咏琅然松  
鳴簷外山水落橋下淵推窗挂星斗清神浩無邊是中  
宜共如此外憑誰傳孫登蘓門嘯子猷剡溪船古來賢  
達士徃徃如春煙浮名竟何益畢世空林泉蹤觀彼斗  
筲畏塗競爭先與馬能幾時鼎鑊已在前



楚黃相廟

開禧二年春寂寂楚相廟上書能說秦將兵亦救趙太  
子質不歸變衣何其妙因城吳故墟宮室本照耀寵辱  
一以驚失計易貽笑帳座神所嚴香火忍興弔但想荀  
蘭陵朱英或同調

夏日集報恩僧寺同莊賢良諸公分韻得餅字  
尋僧坐清晝會友踐佳境興寄徒自深遊觀轉便靜荷  
翻一水香柳散滿堦影相從解巾屨愛此夏日永熏鑪

鼻觀通汲井齒頰冷勞公共酒炙餉我作湯餅同時得  
二士俊發雖露穎高步不可攀奇語尚堪省徐郎招不  
來悵望終耿耿生平厭塵煩老去合幽屏豈無親朋樂  
所慮乏規警言長歌及黃農妙處亦深領

寂照寺

江西得名士與我同山行老釋能追隨醉眼增雙明經  
時客吳會雜還塵務嬰偶然汎孤舟故人百里情既已  
酒屢飲亦復詩自成盡日空翠間冥鴻杳飛鳴

祖印寺俗云嚴光寺攷治平堂牒乃光嚴也又  
言有子陵墓因往弔之

長溝流水急荒塗少人跡扶輿問遺蹤晶晶度秋日子  
陵誰復知墓古莽榛棘傳聞雖未真此意自無極

月林

秋池浸秋月梅影搖清流數枝雖未花橫斜已幽幽白  
酒孰飲我同來亦良謀盃行景自佳風葉何颼颼

林德九國錄作永玉寮來索賦因寄五字

仇池蘓僊語發揮我孤山孤山有何佳林逋廬其間風  
高氣化遠庸販亦班班是榮人爵歟百世不可攀沉冥  
愜幽性道勝無戚顏至今西湖西眇彌尚滄灣誰夫仕  
吳京斂馬心肯閒吟諷彼一詩靜視觸與蠻齋房如僧  
寮熟客自塵寰出處貴君子安時諒非艱

周質夫山楹

山楹非市廛懸解於其表灌木固蔽虧閑雲定旋繞廣  
厦千萬間一架亦已了坐起共炎冷眠食易昏曉偶然

屋打頭所處實在小鷄鳴近相聞鷗下復遠矯尤當沃  
卮酒忘却吟思悄

補籬

補籬去惡竹修逕護幽草微風入庭榭秋雨汎池沼荷  
香浸狂瀾林影動深窈寬平日月閑湫隘天地小

過永豐題

落日洲渚明水石鳴灘聲臨眺一何樂共此入境清游  
子未忘情亦復小詩成東風波粼粼為我吹酒醒

夜過博山

山行迫昏黑乞火野人家陰風振林壑水激溝港斜扶  
輿聽鳴鐘尚覺塗路賒叩門得蘭若僮僕欣不差老僧  
為作茗趺坐談無涯子夜各休去幻境良可嗟

衝雨小舟上南港

拖舟上寒瀨冥冥吹雨來連綿岸草合斷落山林開鴈  
鷺杳滅沒見鷗正汭洄艤舟見修竹題句復尋盃

過吳淞

案此詩二首  
其一見五律

家住楚溪口幾年卧雲峯春風此行邁煙樹五湖東無  
因見范蠡危亭只垂虹逃名匪難事浪曰陶朱公倉皇  
誠自汚商賈聊長雄庶幾收伯圖不見前日功欲富果  
本心是豈計未終我疑滑稽甚視彼如兒童西子有底  
好尚有歡笑同扁舟汎長波自足成老翁

山口

山口復谿口飛花閑度柳不喜梅雨晴清和猶在候一  
日是一日青鬢對皓首朋來方齋家杯行莫停手

德源道中

數鴨汎寒塘前後相參差不知已嚴冬但謂水自如貪  
生處塵世大抵多類斯木葉風下來紅綠雜萍蕪

靈鷲道中

案此詩二首其一見五言律

霜林落衰草遊子歎道途豈不念急景冉冉塵務俱閑  
寫僧寺幽髣髴摩詰圖風前鴻鴈來日下鷓鴣呼

樓窗靜對頗快

奔忙九衢裏無處着兩眼樓高試推窗可以得笑莞東



方接瀰茫西地列巉巖心中與之然不記倒手板

晚訪斯遠村塢

汭流出山來度橋向城去晃朗雨復晴崢嶸歲云暮閑  
常稱心言孰是得力句塢靜見高明林深認幽趣

地偏

地偏塵自銷風扉亦常關不知芳草多但與落花閑紅  
日到碧澗白雲在青山懷人長言之老子何癡頑

大滌翠蛟寺

山以水而勝水以人而清人水亦何事乾坤無限情酒  
好滿杯飲詩到一篇成杜鵑風外啼青林開晚晴

對雪思山居之時

煙迷南屏山凍壓竹落礧幽人紙被軟卧起日已晏  
籬鳥雀噪亦復斷藜覓慘淡詩未成詩成復何患

散步

世道日狹隘無地可自容豈不有崖壑樂此林下風  
乘晴氣清和試聽飛流淙憑軒得名酒老我時一中

秋興家山之咏

塵埃困小官，忍窮未為長。  
勿苦問窮達，當與貧相忘。  
幽棲吳山底，偶占大隱坊。  
晨興到藥局，夜坐唯書房。  
俯仰亦已安，恍然如山莊。  
菴僻遠市語，窗明揺燈光。  
不覺西風起，鴈飛草木黃。  
澗下有敝廬，懷哉付飢腸。

招隱

浩歌以求志，徜徉山水幽。  
松栢蒼蒼山水石，泠泠流山  
深集飛鳥水淺下，輕鷗好花  
不多聞。長煙渾未收，往來

有樵釣俛仰徂春秋我輩滿宇宙其能知此不

閑泊東窗為靜寄

吾愛陶詩中靜寄東軒語試取作佳名朝夕相與處薰  
風一榻閑轉覺遠煩暑試問軒外人紛華今幾許

雨乍霽散步村野山谷間

幽居喜乍晴閑步轉山麓塘坳過兩家山背見一屋坡  
陀上平岡窈窕入深谷時時看採桑往往值播穀鷄飛  
田婦呼牛走牧兒逐路平谿呈露地僻杳藏伏風物晚

春時但見青草木無為扣角歌但賦采薇曲

水村

露荷煙柳外月上山翠寒水際一斷橋籬落小欄干剝  
啄喚我友共此懷抱寬興盡出城去兩耳清流灘

十五日齋素

清晨却簞茹茗事煎胡麻豈無素心人潔齋避風沙月  
已秋氣中能來我山家涼襟何待吹宴坐且勿譁

午步

氣晴天惟澄春物自朝暮  
汭流陟危磴絕壑理幽步  
雲根見泉脉僧房杳回互  
豈無我同心杯來飲為度

雪觀晚步

山梅占殘雪晚色轉幽徑  
塵銷水石潤所至集虛聽  
僧窗話未圓茗椀味初定  
澹泊歲寒心浮空殷鐘磬

晚步

萬木山彩翠一水澗淪漪  
放步且曳杖有懷還賦詩  
我之所安適人以為娛嬉  
南風送晚雨何處不相宜

放步

家家芙蓉開步步木犀香流黃朝絳節空碧按霓裳急  
景奚足競良辰不可忘玉階明露盤珠宮結雲房

晚興

案詩二首其一  
見七言絕句

林蟬動微暑風影搖東軒山近鬱籠從澗長瀉潺湲閉  
關誦古書時時一逢原撫卷得閑樂老境俱忘言

夜坐

經年仕吳會風埃滿書劍迢迢秋夜長靜坐生百念浮

榮本何益微祿已屬饜露氣入窗寒青燈散餘焰

又

吳山歲夜雨巷深雜泥土白髮倚高樓長吟自懷古人  
尋酒杯處處亦歌舞萬事付燈檠寒爐聽更鼓

又

夜時對青燈朝晨向紅日渴飲一杯湯飢餐兩器食榮  
衰受榮衰得失順得失一事到眼前一事與擘畫不到  
眼前者空思亂胃臆非惟昏人神且是長戚戚吾今知



此愆念之戒勿失

題錢塘三賢堂

暑雨過林壑青青發幽香徘徊湖水邊路轉山橫岡朱  
門嚴古寺中有水仙王配食者誰子三賢坐高堂當年  
處士廬鬱然眇相望故侯白與蘇龍章照錢塘人生死  
即已姓字何芬芳修名貴自立隱德千古光文章發政  
事百世胡能忘因看游魚潛更想冥鴻翔微官得休沐  
況復五月涼茲遊獲勝踐不覺歌聲長

清桐

清桐發初葉朝景散輝蔭幽人獨步久興寄頗自任  
薰兮一以風山鳥孰知禁平流走亂石可漱尤可枕

田里間見荷花

避暑暑復至乘涼涼未來平生欲快意命也何疑哉  
駕言田里間薰風動蒿萊小池其誰家亦有荷花開

芍藥

庭中鮮香起猶覺春有餘豈謂衆芳歇而乃自發舒  
溫

風拂波軟朗日明林虛盤盃作態度翡翠為襟裾一枝  
已惱我滿欄無奈渠偶爾着醉目何礙幽人居

露菊

英英輝叢菊重露滋其花移來秋已深不飲亦已嘉小  
檻憑虛簷山迥無風沙霽色寒未生此地玉溪家

塹花香盛

不奈蒸溽氣試度清微風浮梁水南北天以語句同塹  
花吹郁郁岸柳垂濛濛抵手今何夕酒過面亦紅

瓶中花

枝持三數花已著風露香而復滿把來汲瓶置書房身心我身心染淨皆秋光今夜月圓明更妙非紅黃

周景瑜置酒東園看海棠分韻得上字

春光作花事領略過溪上寒淒風雨餘草樹亦舒放紅深海棠徑蜀錦開步障得酒一以醉幽情為之暢主人良好事舉白欣相向坐間多豪英笑倒語彌壯歸塗踏微潦滿目列青嶂顧予何為者追隨生悵望

蘓堤芙蓉

案詩二首其一見五言律

西湖八九月蘓堤賞芙蓉艷艷風日美鮮鮮霜露濃  
今年開最繁映水自為容十里爛成錦紅綠花重重  
錢塘盛吳會昭代多鼎鍾遊人醉不歸車馬如游龍  
里巷達廊廟歌酒日相從千鍾不憚費一笑無留蹤  
勝踐窮耳目樂事開心胸東遊將百年兵農晏提封  
四境復豐穰物色近初冬作詩代華黍皇風正時雍

牆外芙蓉初過其一尚可玩

日晚山氣寒芙蓉表孤花亭亭萬綠中紅鮮照萎葩不  
與時物遷肯以顏色誇立而望之偏落葉徒泥沙

池上菊爛然

彼美黃金花為我遠池游十月無清霜尚作重陽秋胡  
廣潭何為陶潛籬何求人物偶相值終古評不休興愜  
景勿違語到氣自適小摘問顏齡記取南山幽

九日無菊月半後始有市者

前年重陽時黃華正紛披去年近九日已有菊盈枝誰

知今年晚節後纔見之高低燦羣葩可受霜風吹淵明  
心事老借此吟吾詩彭澤賦歸來草木應差差人苦不  
解事謂渠愛東籬芳草喜尚濃色澤愁漸萎欲醉可不  
飲泛酒因兒嬉

對菊讀韋蘓州詩

結綬二十載屢為塵事撓蹉跎入兩鬢霜雪亦漸盈曠  
然仕京國頗以歲序驚寂寞起涼颼時菊忽已榮依叢  
思濁醪餘馥襟神清樂幽愜理性貧寒安物情休沐得

金少曰人言  
殊賞感茲寵辱輕

十二月旦禪月臺問梅

山臺見踈梅野氣挾寒力春從花際來  
晃漾水南北吟邊人已深妙處我已得  
鴈裂一聲中蒼然起暮色

東山看梅

臘近山放梅霜餘竹支逕坡陀斜日晚  
葱蒨孤煙暝人行興將闌鳥語棲未定  
更踏野橋歸風回滿清聽

梅花一一可愛



點點草際梅橫斜風弄影秋老擎斂時而復有此景天  
地欲回春不礙霜露冷林逋亦癡人有句不堪省

蠟梅

家山蠟梅開歷歷水邊樹故園不可見胡能寫吟句隨  
風惜其姿破霧得其趣淋漓街一杯錯莫展數步不道  
緇塵中惱我尚沉痾瓶簪良自佳但恐失平素香傳疑  
麝煤體弱豈金鑄我居小牕橫幽懷眇回互

買梅花木犀海棠橘栽置庫中

護此數寸根待彼數枝花何時春風來老眼易橫斜桃  
紅與李白長安事芳華買栽恐無地識者能幾家家山  
對石澗冬日百樹梅梅花已一開無時不持盃客至雖  
留連客去轉徘徊今棲省戶間一株手親培

同鄭子華慕局作梔子詩

郊居多幽香衣被風雨之樵青採掇歸清氣尤華滋枰  
碁了勝敗蠻觸彼一時鮮鮮何滿叢瑤葩賦山梔

梔子戎葵

芬香得蒼蘂色澤有蜀葵雨露既濡矣風日還過之紙  
窗無畏景石檻發涼思艷艷紅花葉幽幽青碧枝

初七夜半月色皎然忽聞吳山上鶴鳴

雨止結霜華片月載寒魄光芒星自稀氣宇天更碧何  
處孤鶴鳴聲落吳山側坐久神觀清樓高夜方聞

鷹盤風

寂寂鷹盤風擾擾燕衝雨空梁如有言廣野亦疑舞豈  
不營窠巢何嘗畏羅罟仰視復行看衡門室環堵

聞啼鳥

禽啼聲嚶嚶泉流音琤琤微風搖青林何其煙輕明尋  
芳渾無花春深尚含情浮生無浪悲誰知山中清

午坐聞鵝鳴

深居耳識迥斂此神氣精窗簷隔林塘杳杳鵝鶴鳴數  
聲徹我聽益養閑適情更覺瓶中梅於人有餘馨


養魚莊呈余馮二友

湖山晴已佳交遊老逾永以茲登臨心相彼昏旦景風

前午方睡雪後晚猶冷徘徊既良久放浪亦俄頃花林  
想鶯聲水葉亂魚影酒到俱勿辭詩成獨重省

南屏山看金鯽魚思東坡

南屏金鯽魚蘓仙昔嘗觀後來臨池人誰能散餘餐西  
湖多勝處見此心獨寬乃知賢達遊百世留清歡我來  
秋初晴涼風動澄瀾洋洋復潑潑兩兩時單單相彼纖  
介爾賞音猶獨難士生天地間寂寞何足嘆



欽定四庫全書

集部

澗泉集卷

三四

詳校官庶吉士

臣吳烜

主事臣呂雲棟覆勘

謄錄監生

臣董誠

謄錄監生

臣王人作

欽定四庫全書

澗泉集卷三

宋 韓虎 撰

五言古詩

送潭帥朱晦翁先生赴經筵

度江今幾時恐同元祐初中間一報復河洛已丘墟先生講金華此意將何如君子與小人似難動誅鋤要使各當位正論常有餘幸哉邊陲靜羣蠻亦安居大是民力窮郡邑困軍儲又且士氣弱虛言多澗疎先生其扶



持行顧平日書西風動名節帥閫來徐徐經行得古臺  
逸攬志愈攄孺子守窮巷敢負師訓歟殷勤拜席間別  
語不暇舒斐然忽成章先生其念諸

送周次公入浙

衝風霜雪繁澗路少行迹相望一山爾那知有行役人  
常畏違離我懷復難釋歲晚欲晤言門前尚誰客臨安  
至山陰玉室多仙宅酒船尋賀老才大今詩伯

陸放翁

東

方諸侯上千騎森華戟

錢越州

村館足奇士龍門可奪席

李參預

優遊何當還梅花正云白無令詩囊空但恐酒杯  
窄斯時定何時臘月哉生魄

送錢清遠

出宰清遠縣且燒清遠香斂收平生心豈謂蠻瘴妨拖  
舟過高溪話舊持酒觴雁翔白雲飛秋思不可忘

送仲至長樂帥幕

文筆擅名第當置臺館中不合大雅尚天怒令詩窮昔  
年弄水亭一見知不同繼而靈山陽示我所作工豈期

江海上浩然復相從小篇清且麗大篇疏而通尚友梅  
都官不但揚陸翁和平事淡泊志意驚盲聾時時寫幾  
句豈只凡馬空又喜富收拾錦繡紛青紅決定得名世挽  
回正始風岑岑閩嶺山連帥鼓角雄幕府少為貧因與  
了事功地煖罕霜雪榕陰荔枝叢不妨資食啖閒遊佛  
老宮萬一遇真隱識賞無匆匆

送余子壽暫回上饒

尋常五六月弄泉南澗幽微步匝山影餘涼撫茶甌低

田金輦塵固為升斗謀雖無啼餓阻捫腹已白頭汗漿  
走弊輿漫刺何所求看君已通籍合上東觀游弦歌指  
秣陵袖手遠急流又乘船舫風嚴灘理還舟寄謝我猿  
鶴行藏儘悠悠

送趙推官衡州

著眼塵網外納身詩社中樂哉萬好庵劉驥尊酒同此  
事非外假千載揚清風冰溪瑞峯高更是章泉翁永貞  
志獨礪探賾雅用充不知羣兒愚一洗凡馬空祝融石

鼓江舊觀多巨公興懷南渡初此地驚盲聾只今兩英  
蕩遊宦未易逢所惜一未面舊好本家通盡其我職學  
公車自旌弓煌煌太宗業樹立甚宏雄更願常用賢更  
願常和戎官閒莫興寄因來莫匆匆

送四叔辰州推官

離別不作惡豈是人真情作惡既已久此情何由平昔  
我少年時與居多戲爭雖曰諸父行同隊猶弟兄先公  
最憐君訓告尤丁寧豈知十載後星散各經營往年招

真品君嘗送我行夜飲不計酒曉騎馳霜明今我髮漸  
白煢然對空觥君乃辰州去迢迢湘水清一官會自奮  
唾手收功名如何還送君溪頭舟已橫

成季小泊南池將往建昌

相望南池上悠悠我所思凌晨理短髮青鏡滿鬢絲間  
濶將一年欣喜纔見之春風旬日爾又去不在茲人生  
易為別心事多參差有才豈能閒君達信無疑為我謝  
知舊所困非衰遲尚于吟諷間暢叙一伸眉若懷平昔

交同里今是誰立丘眇何地章泉遠莫追山風吹雪雲  
歲月密推移

送吳推官

執友曹器遠高才步瑤京許予非詞伯隻字罔敢輕因  
君官玉溪乃曰能詩聲夢寐於蘇黃處家義利明尺書既  
宛轉滿紙仍丁寧自是得往還吟邊亦飛觥苦值公事  
勞無暇詳考評但知醉言舞談諧到忘形忽焉秩滿歸  
歲月流電經懷抱信舒卷物態何枯榮新涼起風檣石

淺灘瀨清推蓬試躊躇正爾候蟲鳴行行錢塘湖悠哉  
故人情器遠如相忘為說華髮生君之趙子野惜未同  
鷗盟所賦定益奇南北兩山橫

送王景育弋陽尉官滿入吳

天下之好事不我則彼為何必獨我出然後為得時但  
恐才學短講論日以卑豈止身非賢君民何所宜我雖  
無用處連蹇於茅茨所幸眼未昏英妙見于斯君學既  
不器君才復不羈一尉已三年東上不可遲國家仁德



深丕冒及四夷中間臺閣尊政事多臯夔拔茅果彙征  
四夷易鞭笞薰兮方南風聽我歌此詩

送子壽入吳改秩

昔也壽皇時蓋以戰而守強敵難得志和書驛使走持  
循四十年罔敢為戎首世道倏升降甲兵忽在手輕舉  
將畧踈彼彊反歸咎遂令北伐篇小大皆滅口不憚累  
金繒祇願和好久廟算屬仁賢尊事貴黃耆祖宗締創  
深施澤等高厚朝班上青瑣憂國合細剖行行遠家林

寒露濕蕪柳無惡夸毗兒無哂拓落叟何須莫吟詩何  
須力飲酒

送舒同安監暫回上饒

秋入玉山靜羨君乘歸軒曉涼紅蓼渡晚晴黃葉村兒  
女羅酒漿歡呼爭候門家人有真情巷黨無雜言豈不  
念別久三年在真源幸從帝里回有命須騰騫嬉遊且  
卒歲餘事不足論予方仰寸祿日日思故園西湖雖云  
樂而多車馬喧

送昭武蔡倅

春陰生曉寒澗空雨冥冥草迷側徑滑車馬誰肯經敲  
門有嘉客故家駕屏星道舊相

原缺

百年之典刑昔我伯

祖翁忠惠與齊齡契不減歐陽驟語人解聽昭武六百  
石便當歸明廷至今弦歌地玉水流餘馨君侯真不凡  
山峙而淵渟盤盤龜曳尾昂昂鶴梳翎東風吹眼明倏  
然如酒醒

送八哥歸寓里

我覺日已老夢寐思故山故山修竹多春流正潺湲喜  
汝調官歸尚得年歲閒為我守墳墓經理田舍間四時  
溫飽外尋幽可怡顏出入更擇友勢利常懷姦因風頻  
寄書慰此雙鬢斑潮橫漁浦渡水滿龍山灣離眼望征  
棹形滯心已還誰憐輦轂吏青衫裹癡頑

送黃監稅之官沙縣

國家右文時子可謂不遇相從今幾年猶記弄章句神  
州久陸沉赤子欲誰訴隆興淳熙初幾載駕戎輅主聖

難其臣後來忽多故方今恢天運子復策仕路惜乎視  
征權韜畧未濶步男子志四方周王亦一怒慘別無它  
言閩山眇回互

送致道

君家兄弟賢四海得師友卜居赤城霞山水照戶牖宗  
盟懶致身時務能袖手紛綸五經笥聖處端不朽每切  
鄉往之喜從仲氏後青春錢塘湖僅爾一杯酒微吟已  
相和要論合深扣調官復東還知我離索否

送行甫

師門講絕學淡泊易荆榛  
錙銖利害牽不暇能親仁君  
侯志意高面無三斗塵  
越從武夷來邂逅京華春  
抵掌顧我談文彩天麒麟  
歸哉吳閭門太湖漾無垠  
修名恐不立何必問屈伸

送曾甥八三哥

文家渺江海事物隘天地  
不患寡所識要在索其至  
聖賢力已到螟螺世名利  
堂堂一唯翁守約妙洙泗  
眷言

汝少年趣向已知意相從匪寒暑愧我有事累歸丹江  
風急惜別重增喟約已能自修它年幸相記

送敬之

一笑招真崑屈指如昨日梅雨打溪船回路頓蕭瑟豈  
知數載後相逢仕塗出復是暮春時薰風轉呂律武夷  
山甚高千丈聳嶺嶺昧者信誰知見者多自失名父難  
為子世論莫深詰要使學力健用則定爵秩我亦理征  
帆相將坐林密先乃送君歸斑衣入堂室從容奉親歡

豈但文度膝

送子應丈兼懷元默兄

去年風雪夜高樓醉題詩今年風露秋把酒看木犀懷  
人在何許分教大江西掩關正愁予公來殊好奇故交  
非不多那有此襟期徘徊僅三日歸舟又前溪淒淒木  
葉飛荒山夜猿啼公住無庸歸人生休別離

送周叔謹

學行世所稀到眼發孤咏聞君欲高卧當不與物競師



從旣名德朋友且多令堂堂麗澤公沉潛率理性武夷  
老仙伯辯析至於命願言融液之此意千載盛相逢復  
相別一進當一慶波流易蕩委山立要持正剡中山水  
窟眼界可便靜因風時寄音各各藥其病

送王安行

西湖非不佳草木已變衰芙蓉花雖紅奈逼清霜時昔  
見決科日春酣桃杏枝今從秣陵來我乃官于茲紛紛  
許史家悠悠王謝兒吾儕撫書劍百事胡能知蕪湖連

大江風煙蕩灣碕子歸但飲酒可追寒與饑

送魏兄

霜空愛日起林葉翻堦鳴藹藹故人意依依遊子情臨  
離一杯酒遠作數宿程聞詩佚老堂寄言寸心傾

重送仲至聞得祠

殘春叫鷓鴣百草為不芳錢塘江漲沙徃徃變田桑一  
風或十雨冷煖殊未嘗起視天宇高俛知人世長俄而  
登大樓老面各已蒼慨予復何言忘却離思傷振衣問

荒野稅駕辭康莊細收篋裏詩盡秘囊中方山堂有故園絕出名利場願神以養壽更炷琳宮香

王教授將考試它州偶得五字送之

常年寡游從所值必名勝歷談或忘言分袂每敗興旁觀固多賢此唱彼不應十手競譏笑薰蕕亦其稱豈謂落市朝失馬同墮甌棲遲理舊廬竹几得深凭君侯意有餘能來步幽磴譬如須陀洹果位當自證可無一言要開我所愚懔相看檄司文何由駐征鐙無酒信云乏

有酒又若剩積雨涼氣新老病眼空瞪

載酒送昌甫至十許里分韻得送字

翁歸章泉山我以一尊送荒流忽逢梅孤峭費嘲弄情  
親濶別去旋即墮幽夢風生千樹春寒入萬木凍杯行  
二三子醉語或驚衆歲晚夫如何塵外無倥偬

送彭世昌回自武夷

愚聞象山翁雄辯欲明道君嘗升其堂叩擊務深造晚  
開山水窟謂此可忘老從容能幾何翁已終壽考遺文

力披尋古制資探討想君念師門沒世耿懷抱近從武夷伯舊話益可考豈惟翁所親蓋自世之寶歸來過玉溪惜別為傾倒樂地無古今春風動花草

送十哥歸宣城

送子歸何許家在宛水邊相看敬亭在鳳凰應相連松楸鬱已拱我老心淒然乃祖儒業盛爾父還能賢汝復舉進士筆勢方翩翩六年北闕場一笑兩周旋道舊感存沒離懷偶成篇功名有康莊少壯宜加鞭

送胡教授秩滿東歸

煙塵暗江淮風雪到溪澗交遊人復去荏苒歲云晏山  
空歸飛鴉洲靜起宿鴈浮生貴壯圖流俗厭末官相期  
豈輕肥自笑祇藜莧三年疏數中一旦遠近間老身要  
長健他事誠易辦升沉由遇合出處付譏訕

送鄭元老教授衡州

三代之學廢專門競成家經隔千百年孔廟徒奢誇我  
朝跨兩漢斯文惟有涯天下書院中賜書幾五車石鼓

亦佳處湘流帶長沙衡山為其衝南國無以加猗與慶  
歷盛風化浹邇遐州縣俱養士開設始足嘉或因舉子  
習沉思實堪嗟公卿比塗出歆艷孰敢譁淳熙二三賢  
使節連帥牙葺彼舊遺事丘記鎮淫哇青春復來守講  
道方萌芽古意忽不嗣政治由隆汙只今數間屋定知  
未傾斜如君肯交我分教且及瓜香渺上重湖霜風動  
梅花它鄉莫迴首空使望眼賒歲月信逾速人事紛攢  
拏勉勉儼前修無繆毫釐差

送臨江時教授秩滿還婺兼寄鞏戴

豈無戴在伯亦有鞏仲至兩賢夙所尚離懷想憔悴  
嗟同憲錄英彥非一二或富於詞章或窮於道義因君  
肯相過重之寫吾記浮楊清江柁乃泊高溪地停橈倚  
薰風班荆坐蕭寺匆匆復何言但念宿昔事金華紫崔  
嵬少小得嬉戲星回三十載前哲日凋墜傳聞築新祠  
翻覆堪涕泗只今臺閣尊源流庶可嗣君之內嬾親伯長  
最風誼還鄉一杯酒多謝熟致意朝廷已更化賢者必



征纍速下七里灘得時須得位

送余制幹赴四明

鯨波環甬東生犀駕鯨船戈旗耀玄甲聲震登萊邊運  
柁指河洛連檣擣幽燕中堅有宗臣重望推世賢神機  
贊廟謀天授黃石編青春策名勲幕府當慨然英英臺  
閣姿秉羽寧拘攀賈勇出緒餘一舉四海全雲帆萬里  
風枕杜歌勞還

初八日送章丘赴省

國家翰墨場用是得多士公卿才大夫大抵每藉此其  
如老伏波非但一第爾衆俊路方闢天地亦清美洋洋  
乃大對聞者為興起冠冕鳴佩玉鋒鏑橐弓矢成康庶  
幾及武宣不必擬目今有興言萬古有載史我來見君  
行榮名可以喜濶步隨春風東華軟紅裏

送徐斯遠從施樞帥隆興

暮春雨乍歇新晴綠陰生啼鳥集幽聽殘花愜閒情惻  
愴百慮感良友脩告行牽衣坐已久欲語聲不鳴東湖

波浩蕩孺子名與清今古信同調下榻人自驚公貧良可療我志還當平臨觴毋重辭公亦為我傾

趙履常入建陽

文行士所貴世或鮮知道道通天地人斯足為我寶文高多外馳行實徒自保意誠而動化豈不在深造其間有徑庭一一宜探討探討自得之樂我可忘老

俗眼無特見多以形似非波流一蕩靡芥然渾無依豈不有天才又思衆所譏蹉跎度歲月竟作淺陋歸隨世

得富貴事業徒纖微偉哉六經書聖賢所發揮

留永豐數日告歸偶成五字別文叔

金飈肅商聲皓魄麗清景思子淚成河觸目意莫騁故  
人有嘉招庸敢憚造請行行涉大川徃徃度崇嶺一登  
君子堂彌旬獲規倣小飲興頗濃共學議尤炳章泉來  
詩翁此話亦雋永人生長睽疎聚集每俄頃興言故山  
歸早曠憂復耿此處雖未同可昧寸心同世塗紛愛憎  
吾儒挈裘領

別斯遠

卜居得幽曠崇山倚長松夜窻風雨來歲事忽已冬人  
或知子歟我身為從容此間豈有待彼忙竟何逢徒以  
蝸角微展轉纏心胃栽田藝禾黍伏臘可粗供功名不  
難辦肉食皆鼎鍾

別元默

初不畏離別亦不愛過從周遊老江浙風雪還窮冬君  
侯故家秀雅步非凡蹤鳴絃寄真尚萬古開心胃胡為

憐我懶縱論容愚蠢留連一再旬欲去寒意濃當知思  
齊賢出處誠難逢草木凍欲折冬嶺惟孤松

行甫載酒為別

霜天出晴日山外看煙霏長松覆蘭若酌我何當歸人  
情令飄灑世路徒依違景曠詩自成一觴還屢揮

余子任訪章泉

章泉天下翁之子能幽尋謀道不謀利耿耿秉此心薰  
風四月涼苔竹蒂而森恨我不嗣往空多華髮侵年來

翁示疾豈在藥石針衆生煩惱盡病苦當不深慨焉紹興初上饒聚纓簪東萊曾空青至今朱絃琴零落一丘壠佳話轉平沉翁實獨遠紹文獻所酌斟詩乃其緒餘歛收日行吟子歸趣益勝復逼我家林清陰佇延賞抵掌橫素襟渺渺兮予懷慎旃宜重欽

送僧上懷玉

渺渺楓樹秋送僧上懷玉白雲度絕巘清寒滿深谷杖頭掛蘿薜笠外見鴻鵠却笑懶殘隘隨緣受榮辱

文叔為糧料不月日求去作真州守

杜老有新語人生五馬貴儀真亦不惡溫飽可自慰名  
宦百年爾漸覺誠鮮味才歸鷓鴣驚行勇去復何謂豈念  
師旅餘淮民短生氣瘡痍嘗撫摩坐視或嗟歎挺身收  
左符於此見洪毅我為一長吟雅志其髣髴

宋倅告老得請而歸

挂冠歸海嶠樟坡可高亭無愧邵曼容如疏傳漢廷廣  
平心鐵石大雅非蠅營靈山玉溪波二年驚屏星澹然



每無競舉足皆典刑宦情隨牒移蜀莊以沉寔從他俗  
態度衆醉惟獨醒黃鍾鳴瓦釜螭龍為蠅蚋衰容固兒  
戲白眼孰肯青吾儕安處順抵掌即忘形幽絕有烟霞  
荒野多林垆春澤可巾車秋水可揚舲耳畔震風雨頭  
洞飛雷霆黜陟既不聞奚暇分渭涇咄哉市朝子車馬  
弗肯停翻覆五鼎亨菹醢而臙腥斂收四方志保息存  
黃庭鶴鶴棲枝足鵬運空南溟我家澗谷底公常念伶  
俚祖帳為長歌乾坤本清寧

贈劉叔驥縣尉苔溪家也

西風苔水清春日卞山橫莫問桃花紅但說蓴菜生騷  
人居是間俛仰得其情公家文章家三世蜚英聲為予  
父子交豈特青眼明淒涼四十年道舊誰復聽只今冰  
溪流波照空城公來坐澗谷忍聞千載名世道日澆  
偽出語皆可驚東望章泉山尚足堅此盟

趙十讀通鑑有詩和韻贈之

胷蟠萬卷富莫受半點塵治道雜朱紫聖塗纏荆榛誰

將十七史一筆能具陳論說兼軻雄紀載由周秦首明  
禮與分世變損益因裕陵錫序尊惟恐書易論後學今  
如何識治宜蔚彬區區李唐臣魏陸猶言仁南北固分  
合夷夏寧屈伸往哉涑水翁元祐第一人帝謂勝荀悅  
我生豈不辰

呈周南仲推官併呈滕計度賢良

老身泛吳淞但覺靈岩高東風吹桃花水流亦滔滔豈  
不可揚舲豈不可受篙閒情未舒適世慮非煎熬奇哉

又虎丘眄焉首重搔所愧塵埃人周遊鮮此遭景勝當  
領會識淺泛鬱陶只有歌永言聊以相作勞

贈潘德久舍人

閒常喜哦詩逢君了無句豈不有所思蓋噤莫敢吐竭  
來吳山頭汨沒時日度悠悠衆交情徃徃半親故積陰  
盛暑寒棲遲一筓庫君侯謫僊人邂逅辱雅顧杯行閱  
新編指點盡韶濩不謂正始餘得此諸老趣慙慙復招  
喚傾倒所藏聚法書多海岳掛壁徧毫素中間出娉婷

清聲彩雲駐倒指不數人百年幾相遇昨朝高軒過隘  
巷亦驚諄覓甌茗葉煎石鼎栢子炷幽窗坐談久不覺  
晚橫霧感君厚意長因之寫欣慕工夫未平夷漫以懷  
抱賦轉庵法眼正逢場到朝路終當入林密共結茅屋  
住安心參活法一滌塵土污

贈孫尉

人生貴相親風味入杯酒不在識面早嘯歌而握手樂  
我唱酬富且復知取友茫茫江湖道屈指誰耐久吾行

古贊州溪山照窓牖是中得雅士意氣何深厚便合置  
青瑣誰云尚墨綬隱更有子真相望千載後凍雨古道  
長微茫濕枯柳

贈趙景伯

蜀道一琴鶴高齋二百年中原之文物諫疏慶歷傳政  
塗竟以歸虛白更安禪嗚呼清風長不與時俗遷每行  
大夫墟躊躇倍依然或逢其耳孫此意庶可宣敢論家  
世舊豈但嫺戚聯只今我衰微青衫空裹纏憂家復憂

國和戰何其偏世臣匪喬木休戚實共焉君從鄭莊來  
邂逅驚四筵到我南溪上訪我南澗邊飲我一兩杯和  
我三四篇扶搖手中筆湛如朱絲絃公侯必復始愛直  
爾青氈要知先賢後瓜瓞自繇繇子產晉叔何信矣仇  
池僊

贈斯遠

一自離城府經年欲從遊豈曰秋氣高粲然在林丘酒  
熟未易飲詩好未易酬幽牕展席地宛轉十日留才如

不羈馬胃次貫九流籟雲有霄漢跼蹐不足憂駕言驪  
駒歌散處非阻修鴻鴈天南飛時當寄綢繆

贈李孟達審計

敬亭不可見得見敬亭人寂寂紅塵裏長安風日春人  
生易為感華髮倏已新從容一撫几圖書正橫陳臭味  
有美惡風俗多澆淳飄然湖海身欲去還逡巡

贈孔唐叟

雲璈飲霞醞時乘震初爻潛天與孔聖靜俟乾坤交誰



云星壇虛可以共默朝我爾一片合雅俗非淳澆御氣  
凌劉風月暈意已消

東仲至帑轄蹈中理丞

三吳一都會駕言舒我憂洞門儼彫戟通術交華輶清  
晨皇居開五雲更飛浮陽光從東升星月爛欲收垂紳  
奉明主靡爵班徹侯上擬成康隆下則臯夔儔弓矢既  
載橐禮樂次第修子惠四海民庶幾瘡痍瘳眇歟蟻虱  
臣守藏獨夷猶交舊未忍遺乘軒為綢繆適歌慨以慷

魯酒獻且酬，徂年倏已冬。  
禿髮不滿頭，如知山澤暝。  
昧徒好修。

施教授到官兩載

雖為三年淹，已有兩載速。  
良晤不易逢，幽魂恐難續。  
青山照孤城，流水在空谷。  
忘機在白鷗，勿笑牽黃犢。

青青水中芹，泮渙而樂羣。  
亦豈無他人，亦豈不在君。  
海嶠富術業，江湖稀見聞。  
其間名世者，餘子信紛紛。

贈趙十有懷其兄

伯氏心軒渠其跡則隱耀仲氏跡廻翔其心則顯道心  
跡亘乾坤學力貴閭奧吾非六十化事物豈至到宿簡  
流緒長家國治誰告

呈昌甫斯遠

二力扶輿去荒尋何所之章丘菊已花章泉梅欲枝孰  
不有先友我乃得舊知塵鞅懶復整且分魚計詩

寄胡桐廬

西望子陵瀨東下是漁浦明明弦歌人儒心正勞撫豈

無讀書林松竹護庭宇蓬萊歸路近此去天尺五不妨  
興寄深霞佩整紳組雪滿桐君山桐仙照千古

寄斯遠

春風滿村塢想見高人廬示疾喜復愈燕處當晏如曉  
窻咏羲皇午枕夢華胥神彩一返元意氣還凌虛吾方  
入深山囂塵厭城居飛鳴侶禽鳥上下看猿狙澗飲無  
不足木食還有餘未得相勞苦題詩寄勸渠

微王靈溪詩寄文叔

聞入上饒境訪王十二  
文過玉山境見趙四兄

春風入湖團暑雨來章泉如何越境出俗吏定不然見  
賢思樂地談道明性天遺民忽聞之喜極為詩傳

斯遠云閒睡醉天下之至樂也約各賦一首寄

昌甫

卧聽青松吟起看白雲生身心兩無累所至輒暢情豈  
特夸毗子徃徃皆強營淄澠雖異塗匪利即徇名誰云  
衡茅下可以知枯榮縱復逼饑寒兒僕自春耕

神既不外驚氣亦當自和松牀薦石枕偃仰得已多鼻

息出入通呼吸相蕩摩陽光塞天宇一定消百魔是事  
非所難彼愚分奔波曉夕無停晷耗散歸蹉跎

陶陶兀兀裏渾涵忘所知恍如天地初清濁未剖時人  
苦前識爾觸物勞心思棄置便棄置況此有酒卮一酌  
入醺酣重觴到淋漓勿苦事邊幅醒將何所為

### 寄秋塘

寄語秋塘翁謝借淵明詩俄而兩三年未嘗不誦之翁  
昔遊錢湖日日載酒嬉我方坐筦庫逐勢利奔馳惟恐

塵埃多忘却山水奇所以從翁借欲公知我為秋塘夫  
如何蒲荷淨漣漪塘上客誰來寧作宋玉悲冒蟠夜光  
寒健筆愈陸離西風一吟諷萬事都若遺應笑我投閒  
猶能詠於斯淵明閑闔輦翁亦老苦雖悵然復歸翁起  
我百世思

孟守寄詩卷於斯遠

人言詔節忙我覺詩卷暇寄之章丘深何其相慰藉使  
君真不凡往往凌鮑謝傳觀俗眼驚幽懷語寒夜

舟至南隴且寄玉山聘君奇丞二徐文

宿雨起微濛輕風生早涼葉葉一飄蓬溯浪開晴光  
涵幾年汎眼熟雲水鄉常苦乏佳伴無人與成章望望  
指栢閣遙遙近溪堂南隴在中止停篙且翱翔進棹君  
未已為我達衆腸萬事本如昨此適不可忘

寄宋君輔

仕則有用舍學則有舒卷但願培之深名宦恐不免范  
歐久逾新黃俞近莫辨後先行與靜信各萬人選自是



有犁鉏自是有軒冕如聞復授徒鄉里足稱善青青謹  
對矣話柄由我轉香邈天外心其奈知德鮮興言相逢  
時一再僅游衍夜來定何盃午後亦何嚮達生恨弗果  
情深話猶淺東家山水窟氣岸必洪展綠草三逕春幽  
光徧苔蘚

寄林教授

題詩寄春風問訊雲間翁一月不相見飄忽花事中棲  
棲我山林望望君頻宮數學游息外還許知近功

聞仲至雪峯有行記有詩擬歐陽體寄之

百粵多名山磅礴甚雄偉城邑所聚落人物反無幾吾  
嘗思其然未嘗不憤悱秀氣鍾洩處名德當燁燁乃為  
仙佛廬土木儼神鬼其教又皆幻其徒且不避無非索  
民財聚食類螻蛄蓋本僭竊者盜名恣蛇虺徒欲覬冥  
福締建罄箱篚奈何習俗慣後世尤疊疊君登雪峯寺  
逸覽應一唏水石固清激草木必芳菲豈不念古道胃  
次增礪硯聞有記與詩寄與定瑰瑋

四月八日病中寄昌甫

我毒發於腰君瘡作於背君痛那可忍我痛或可退清  
和清潤時晴雨在戶外安得如前年名勝一談會

寄文叔合肥令

桓伊三弄笛猶足戰肥水談笑麾秦兵所向皆披靡追  
擊至青岡堅亦中流矢不經事少年其壯乃如是宜乎  
謝東山喜甚折屐齒只今所城邑歷代幾遷徙君懷霸  
王畧宰邑當念此南北雖堅明風塵未遽起士豈無奇

氣叱咤有摩壘一從辛巳年海陵擾北鄙因循再結好  
寧不有所俟又三十八載恐漸忘昔耻吁嗟靖康變北  
客思故里君今臨淮垣訪古欲何似長嘯朔風寒晉人  
亦人耳

寄趙十履道

養疴倦還徃南山卧荒廬風簷洒雲雨急景歲序徂曠  
焉親知樂睇望東城隅即事聊自吟爰寂守玄虛

寄王成叟

復從章貢回滿謂可邂逅偶從青嵒遊失此一知舊摩  
挲所留字和韻若金奏至今殷遺音寤寐錯昏晝人生  
竟何為妙處匪聲臭空餘丘壑心流枕而石漱經年強  
飯否安得日相就市廛多犬雞墟落易豺獸源深則溪  
清林迴山必秀緘辭寄春風思君令人瘦

寄朴翁

柳下葛徵君受用得自在宴坐孤山南湖山自澎湃不  
受爵服吞蒙莊大塊噫三年遥相望妙寄入天籟塵塵

與剎剎超出淨名外

寄和卿丈

去年中秋時同上東大樓長風吹綠尊溪光與雲浮已  
而適異縣弔古尋隱幽豈伊邂逅懽亦足寫我憂嚴霜  
涇冬日再會尤綢繆平生無是夢一旦眼底收祇今孤  
山下交遊如故不蕭蕭丹葉飛憑高眇離愁諸老日凋  
謝疇知敬前修夫君從李呂此意千載休

巽巖  
麗澤

寄潘文叔

楊子江心水可以共煮茶鶴林招隱詩不必問僧家治  
中今如何紬被聽報衙去年崑山陽春岸醉桃花今年  
玉溪上蚤忙看繅車相思無賸語作字只歆斜暑雨障  
炎日薰風散餘霞君顏想渥丹我髮亦已華因詩一嘯  
吟塵間事如麻

慶元己未二月戊子寄皖山隱翁史虎囊

塵世離濶苦一別易寒暑彈指十五年翁今定何許聞  
在潛山頭僧寺有誰語方瞳狎鷗鳥禿髮照獐鼠蹢躅

狹虎囊借醉忘爾汝平生心所尊安得伴遊舉我友余  
伯臯遠遊復羈旅當為翁慨然斗酒氣相與旦夕廣文  
來雅趣非凡侶豈不能趨風擊鮮宰肥羜獨恨海潮邊  
戀祿贍兒女悵望春色深風花暗吳楚

懷斯遠

晴光雜空雲青春轉寒谷眇眇兮章丘所見惟我獨灑  
然天地間豈為萬事足曉風吹詩來梅枝粲羣玉

與春伯雱仲道舊



八年閒放身猶許時到門潺然一梅陂湛寂非獨渾坐  
客與我言月色雲吐吞是中只可醉五經無紛綸

簡趙十諸友

摇摇山上風落落谷中雨迴谿少鷗鷺曠野分豺虎荒  
寒不可聞慘淡不可睹偏塞案上書饑來尚堪撫

門外長安道輟擊人肩摩今時不云少舊年不云多市  
朝愚智爾家國隆替何組綬固若若冠弁亦裁裁

臭味薰與蕕意氣金與石惟可以忘年庶可以忘夕投

非膠漆堅抱有冰炭厄深憐眼終青未厭髮已白

乙翁來其父兄家行一年矣甚念之二首

案今止一首

環中所隘方外我所敬世道無它塗禪林有幽徑煙  
崖寒自高霜港晚逾靜投我可忘言乘閒了深定

喜成季登科

一門三昆季六載兩科名士無速化塗唱第聊代耕或  
里選舉首或賢闕馳聲落筆便離倫鼓篋皆中程煌煌  
藝祖業中興費經營東南將百年雜遝幾公卿事業固

輝赫議論時縱橫如君英妙姿文采玉溪生  
膺仕既得路壺酒為我傾春晴飛殘花綠葉  
隨樹成豈無好風景黃鳥枝上鳴陰亦不必  
和醉亦不必醒宿雨喜新漲浮雲卷虛明

有懷昌甫

三家我故舊一士我久要新冬過溪澗山  
寒風葉飄老眼為之開聊以永今朝浮華  
眩鐘鼎灑落忘簞瓢古誼不勝俗歲寒松  
後凋共話詩翁歸章泉如雲霄

喜趙昌甫姪三哥登科

我祖紹聖初蓋亦登名第君家龍圖公實托同年契豈  
知渡江久遊宦各零替低頭藉世祿悵望月中桂宜為  
俗輩嗤敢作臺閣計子方英妙時文已合斯世煌煌慶  
元春南省果高綴相看慈恩塔益振子苗裔如鳳千仞  
翔如鶴九臯唳從茲恢遠業其肯負六藝志尚昔之賢  
仕明古之制清明到華要慶會屏氛翳歎我正浮沉期  
子轉磨礪載詠章泉詩詞林信根柢

往年就祿南局謂違考亭得兩語感懷愴恨

依世則廢道違俗則多忤先賢有遺訓服之美無度當年官藥曹急景誠可怖明明百世師僊山武夷路